



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ՎՃՌԱԲԵԿ ԴԱՏԱՐԱՆԻ ՔՐԵԱԿԱՆ ՊԱԼԱՏԻ ՆԱԽԱԳԱՀ

Ո Ր Ո Շ ՈՒ Մ

ՎԱՐՈՒՅԹԻ ԸՆԴԴԱՏՈՒԹՅԱՆ ՀԱՐՑԸ ԼՈՒԾԵԼՈՒ ՄԱՍԻՆ

26 դեկտեմբերի 2022 թվական

ք.Երևան

Ուսումնասիրելով թիվ ՇԴ/0136/01/22 քրեական վարույթի ընդդատության վերաբերյալ վեճը լուծելու համար Վճռաբեկ դատարանի քրեական պալատի նախագահին ուղարկելու մասին Արարատի և Վայոց ձորի մարզերի առաջին ատյանի ընդհանուր իրավասության դատարանի՝ 2022 թվականի դեկտեմբերի 7-ի որոշումը,

Պ Ա Ր Զ Ե Ց Ի

Գործի դատավարական նախապատմությունը.

1. 2022 թվականի նոյեմբերի 2-ին Շիրակի մարզի առաջին ատյանի ընդհանուր իրավասության դատարանում ստացվել է թիվ ՇԴ/0136/01/22 քրեական վարույթն ըստ մեղադրանքի՝ Հայկազ Ցոլակի Թովմասյանի՝ ՀՀ քրեական օրենսգրքի 255-րդ հոդվածի 3-րդ մասի 3-րդ կետով և 255-րդ հոդվածի 2-րդ մասի 3-րդ կետով, և 2022 թվականի նոյեմբերի 3-ի որոշմամբ ընդունվել է նույն դատարանի վարույթ:

Շիրակի մարզի առաջին ատյանի ընդհանուր իրավասության դատարանը 2022 թվականի նոյեմբերի 16-ին որոշում է կայացրել թիվ ՇԴ/0136/01/22 քրեական

վարույթն ըստ ընդդատության Արարատի և Վայոց ձորի մարզերի առաջին ատյանի ընդհանուր իրավասության դատարան փոխանցելու մասին:

2. Արարատի և Վայոց ձորի մարզերի առաջին ատյանի ընդհանուր իրավասության դատարանը, 2022 թվականի դեկտեմբերի 7-ի որոշմամբ, գործի ընդդատության վերաբերյալ վեճը լուծելու համար դիմել է Վճռաբեկ դատարանի քրեական պալատի նախագահին:

3. Թիվ ՇԴ/0136/01/22 վարույթը Վճռաբեկ դատարանում ստացվել է 2022 թվականի դեկտեմբերի 19-ին:

Ընդդատության վերաբերյալ վեճի լուծման համար էական նշանակություն ունեցող փաստական հանգամանքները.

4. 2022 թվականի հոկտեմբերի 13-ին Հայկազ Ցոլակի Թովմասյանի նկատմամբ ՀՀ քրեական օրենսգրքի 255-րդ հոդվածի 3-րդ մասի 3-րդ կետով և 255-րդ հոդվածի 2-րդ մասի 3-րդ կետով հարուցվել է հանրային քրեական հետապնդում այն արարքների համար, որ *«նա խաբեությամբ առանձնապես խոշոր չափերով հափշտակություն կատարելու միասնական դիրավորությամբ 2019 հուլիսից մինչև 2021 թվականի նոյեմբերն ընկած ժամանակահատվածում ՀՀ տարածքում առանց վարկեր տրամադրելու իրական մրադրության փակցրել է վարկեր տրամադրելու վերաբերյալ կեղծ հայտարարություններ, որոնց մեջ նշել է իր կողմից փաստացի օգտագործվող հեռախոսահամարները և իր հետ կապ հաստատած փուժողներին ներկայանալով որպես վարկային կազմակերպության աշխատակից՝ նրանցից իբր թե վարկի տրամադրման գործընթացն իրականացնելու համար միջնորդավճար կամ վարկի հաստատման համար անհրաժեշտ այլ վճար կատարելու կեղծ պատրվակով պահանջել է գումար, որից հետո վերջիններին փոխանցվել է այլ անձանց պատկանող «www.ajarabet.am» կայքի, «Բդրամ» ինտերնետ վճարային համակարգի, «Արդշինքանկ» ՓԲ ընկերության հաշվեհամարները, ինչպես նաև «ԱՅ ԴԻ ԲԱՆԿ» ՓԲ ընկերությանը պատկանող բանկային քարտի փվյալները, որոնց փուժողների կողմից փոխանցվել են գումարներ, որի արդյունքում Հայկազ Ցոլակի Թովմասյանը՝ (...) խարդախությամբ հափշտակել է առանձնապես խոշոր չափերով՝ 8.888.151 ՀՀ դրամ գումար: Այսպես.*

(...)

80) 2021 թվականի դեկտեմբերի 30-ին Գյումրի քաղաքի բնակիչ Էլիզաբեթ Սարգսի Սարաֆյանին տրամադրել է «Բդրամ» ինտերնետ վճարային համակարգի հաշվեհամար, որից հետո Է.Սարաֆյանը նշված հաշվեհամարին փոխանցել է ընդհանուր 30.000 ՀՀ դրամ գումար, որը Հ.Թովմասյանի կողմից խաբեությամբ հափշտակվել է:

(...)»¹:

5. Շիրակի մարզի առաջին ատյանի ընդհանուր իրավասության դատարանը 2022 թվականի նոյեմբերի 16-ի որոշմամբ արձանագրել է. «(...) Քրեական վարույթի նյութերի համաձայն՝ Հայկազ Թովմասյանին վերագրվում է շարունակվող հանցագործություն, որի՝ քրեական օրենքով չթույլատրված վերջին արարքը կատարվել է 2021 թվականի դեկտեմբերի 30-ին, այն է՝ Գյումրի քաղաքի բնակիչ Էլիզաբեթ Սարգսի Սարաֆյանին տրամադրել է «Բդրամ» ինտերնետ վճարային համակարգի հաշվեհամար, որից հետո Էլիզաբեթ Սարաֆյանը նշված հաշվեհամարին փոխանցել է ընդհանուր 30.000 ՀՀ դրամ գումար, որը Հայկազ Թովմասյանի կողմից խաբեությամբ հափշտակվել է: Ընդ որում՝ քրեական վարույթի նյութերի՝ տուժող Էլիզաբեթ Սարաֆյանի հարցաքննության արձանագրության և կից հետախոսահամարների վերծանումների համաձայն (հատոր 24, գ.թ. 210-214), քրեական օրենքով չթույլատրված վերջին արարքը կատարվել է Արարատի մարզի Ջրաշեն համայնքի Կամոյի փողոցի 2-րդ հասցեից, որը գրնվում է Արարատի մարզում:

Այսպիսով՝ Հայկազ Թովմասյանին վերագրվող շարունակվող հանցագործությունը, ըստ քրեական վարույթի նյութերի, կատարվել է Արարատի մարզի Ջրաշեն համայնքի Կամոյի փողոցի 2-րդ հասցեից, որը գրնվում է ՀՀ Արարատի և Վայոց ձորի մարզերի առաջին ատյանի ընդհանուր իրավասության դատարանի դատական տարածքում: Հետևաբար՝ թիվ ՇԴ/0136/01/22 քրեական վարույթն ըստ մեղադրանքի Հայկազ Ցոլակի Թովմասյանի՝ ՀՀ քրեական օրենսգրքի 255-րդ հոդվածի 3-րդ մասի 3-րդ կետով և 255-րդ հոդվածի 2-րդ մասի 3-

¹ Տե՛ս քրեական գործ, հատոր 27, թերթեր 37-48, 191-194:

րդ կերպով, ըստ ընդդատության պերք է փոխանցել ՀՀ Արարարի և Վայոց ձորի մարզերի առաջին արյանի ընդհանուր իրավասության դատարան: (...)»²:

6. Արարատի և Վայոց ձորի մարզերի առաջին ատյանի ընդհանուր իրավասության դատարանի՝ 2022 թվականի դեկտեմբերի 7-ի որոշման համաձայն՝ «(...) [Գ]րնում եմ, որ մեղադրյալ Հայկազ Յուլիկի Թովմասյանին մեղաազրված շարունակվող ենթադրյալ հանցանքի վերջին դրվագը ենթադրաբար կատարվել և ավարտվել է Գյումրի քաղաքում, այսինքն՝ ՀՀ Շիրակի մարզի առաջին արյանի ընդհանուր իրավասության դատարանի դատական փարածքում: Այլ կերպ՝ ընդդատության մասին վեճի լուծման համար էական հանգամանքները թույլ են տալիս գալ եզրահանգման, որ սույն քրեական վարույթն ընդդատյալ չէ ՀՀ Արարատի և Վայոց ձորի մարզերի առաջին արյանի ընդհանուր իրավասության դատարանին, այլ ընդդատյալ է ՀՀ Շիրակի մարզի առաջին արյանի ընդհանուր իրավասության դատարանին: Նման հետևության հանգելու համար առանցքային նշանակություն ունի այն փաստական հանգամանքը, որ, ըստ գործի նյութերի, տուժող Էլիզաբեթ Սարգսի Սարաֆյանը 30.000 ՀՀ դրամը փոխանցել է մեղադրյալ Հայկազ Յուլիկի Թովմասյանի կողմից նշված «Իդրամ» ինտերնետ վճարային համակարգի հաշվեհամարին Գյումրի քաղաքում տեղադրված տերմինալի միջոցով: Այսինքն՝ վերջինիս սեփականության ֆոնդից, և հետևաբար, նրա տիրապետումից տվյալ դրվագով ենթադրյալ հափշտակության առարկան՝ 30.000 ՀՀ դրամ գումարը դուրս է եկել Գյումրի քաղաքում:

Ինչ վերաբերում է այն հանգամանքին, որ ըստ տուժող Էլիզաբեթ Սարգսի Սարաֆյանի հարցաքննության արձանագրությանը կից առկա մեղադրյալի կողմից ենթադրաբար օգտագործված՝ 094-76-84-00 քջջային հեռախոսահամարի մուտքային և ելքային հեռախոսազանգերի վերծանումների (հատոր 24, գ. թ. 213-214)՝ նշված հեռախոսահամարը խնդրո առարկա հանդիսացող ժամանակահատվածում սպասարկվել է Արարատի մարզի փարածքում, գրնում եմ, որ անկանխիկ եղանակով ենթադրյալ խարդախություն կատարելու դեպքում բավարար տվյալ չէ հանգելու հետևության առ այն, որ հանցանքը կատարվել է Արարատի մարզի փարածքում՝ հաշվի առնելով նախորդիվ նշված հանգամանքը՝

² Տե՛ս քրեական գործ, հատոր 30, թերթեր 73-86:

30.000 ՀՀ դրամը Գյումրի քաղաքում տեղադրված տերմինալի միջոցով փոխանցելը: Բացի այդ, փոխանցում կատարելու ժամանակ Արարատի մարզում գտնվելը դեռևս չի նշանակում, որ մեղադրյալ Հայկազ Յոլակի Թովմասյանը հենց այդ ժամանակ է տնօրինել փոխանցված գումարը: Հետևապես, գտնում եմ, որ սույն գործի փաստական հանգամանքների պայմաններում մեղադրյալ Հայկազ Յոլակի Թովմասյանին մեղաազրված շարունակվող ենթադրյալ հանցագործության վերջին դրվագը ավարտվել է ՀՀ Շիրակի մարզի առաջին արյանի ընդհանուր իրավասության դատարանի տարածքում՝ Գյումրի քաղաքում:

Դրա հետ մեկտեղ Դատարանն արձանագրում է, որ սույն վարույթի մասնավոր մասնակիցների մեծամասնությունը՝ միայն 38 փուլերը և 5 վկաները քնակվում են Շիրակի մարզում: Դեռ ավելին, 2022 թվականի նոյեմբերի 16-ին փուլերը Վարդիթեր Ռաֆիկի Մինասյանը, Նաիրա Գրիգորյանը, Լեյլի Հովսեփի Գալոյանը, Սաթենիկ Միքայելի Պողոսյանը, Վարդուշ Կոլյայի Ամիրխանյանը, Ֆրիդա Անդրի Հովհաննիսյանը, Աղասի Գագիկի Դավոյանը դիմում են ներկայացրել ՀՀ Շիրակի մարզի առաջին արյանի ընդհանուր իրավասության դատարանին՝ ինդրելով քրեական վարույթը չփոխանցել ըստ ընդդատության ՀՀ Արարատի և Վայոց ձորի մարզերի առաջին արյանի ընդհանուր իրավասության դատարան:

Բացի այդ, մինչդարձական վարույթն իրականացնող մարմինն է հանդիսացել ՀՀ քննչական կոմիտեի Շիրակի մարզային քննչական վարչությունը, իսկ վերջինիս նստավայրը նույնպես գտնվում է Շիրակի մարզում, որպիսի հանգամանքն էլ, ըստ ՀՀ քրեական դատավարության օրենսգրքի 261-րդ հոդվածի 3-րդ մասի, ելակետային փյալ է վարույթի տարածքային ընդդատությունը որոշելու համար՝ մեղադրյալ Հայկազ Յոլակի Թովմասյանին մեղաազրված շարունակվող ենթադրյալ հանցագործության վերջին դրվագի կատարման հարակ վայրը որոշելու անհնարիության դեպքում:

Ամփոփելով նշվածը՝ գտնում եմ, որ սույն քրեական վարույթով ՀՀ Շիրակի մարզի առաջին արյանի ընդհանուր իրավասության դատարանի և ՀՀ Արարատի և Վայոց ձորի մարզերի առաջին արյանի ընդհանուր իրավասության դատարանի միջև առկա է տարածքային ընդդատության վերաբերյալ վեճ, որի լուծումը, ըստ ՀՀ

քրեական դատավարության օրենսգրքի 263-րդ հոդվածի 4-րդ մասի, վերապահված է Հայաստանի Հանրապետության Վճռաբեկ դատարանի Զրեական պալատի նախագահին: (...)»³:

Վճռաբեկ դատարանի քրեական պալատի նախագահի պատճառարանությունները և եզրահանգումը.

7. Սույն գործով բարձրացված իրավական հարցը հետևյալն է. հիմնավոր է արդյո՞ք Արարատի և Վայոց ձորի մարզերի առաջին ատյանի ընդհանուր իրավասության դատարանի հետևությունն այն մասին, որ թիվ ՇԴ/0136/01/22 քրեական վարույթն ընդդատյա է Շիրակի մարզի առաջին ատյանի ընդհանուր իրավասության դատարանին:

8. ՀՀ Սահմանադրության 63-րդ հոդվածի 1-ին մասի համաձայն՝ «Յուրաքանչյուր ոք ունի անկախ և անաչառ դատարանի կողմից իր գործի արդարացի, հրապարակային և ողջամիտ ժամկետում քննության իրավունք»:

9. «Մարդու իրավունքների և հիմնարար ազատությունների պաշտպանության մասին» եվրոպական կոնվենցիայի 6-րդ հոդվածի 1-ին մասի համաձայն՝ «Յուրաքանչյուր ոք, (...) նրան ներկայացված ցանկացած քրեական մեղադրանքի առնչությամբ, ունի օրենքի հիման վրա սրբեղծված անկախ ու անաչառ դատարանի կողմից ողջամիտ ժամկետում արդարացի և հրապարակային դատաքննության իրավունք»:

Մարդու իրավունքների եվրոպական դատարանը, «օրենքի հիման վրա սրբեղծված դատարան» հասկացությունը մեկնաբանելիս նշել է. «Այն երկրներում, որտեղ օրենքը կողիֆիկացված է, դատական համակարգի կազմակերպումը չի կարող թողնվել դատական մարմինների հայեցողությանը, սակայն դա չի նշանակում, որ դատարաններն օժտված չեն համապարասիան ազգային օրենսդրությունը մեկնաբանելու որոշակի ազատությամբ»⁴:

10. Մինչույն ժամանակ, դատական մատչելիության իրավունքի համատեքստում Մարդու իրավունքների եվրոպական դատարանը նշել է, որ

³ Տե՛ս քրեական գործ, հատոր 31, թերթեր 57-75:

⁴ Տե՛ս Մարդու իրավունքների եվրոպական դատարանի՝ *Gorgiladze v. Georgia* գործով 2009 թվականի հոկտեմբերի 20-ի վճիռը, գանգատ թիվ 4313/03, 69-րդ կետ:

«Ներպերական դատական արյանները դատավարական կանոնները կիրառելիս պետք է ձեռնպահ մնան դրանց չափազանցված ձևականացումից, որն իր ազդեցությունը կունենա դատավարության արդարացիության վրա»⁵:

11. Վճռաբեկ դատարանը *Գևորգ Հարությունյանի* գործով իրավական դիրքորոշում է ձևավորել այն մասին, որ «(...) Գործերի պատշաճ ընդդատությունը, որպես արդար դատաքննության անհրաժեշտ բաղկացուցիչ, հիմնարար իրավական արժեք է: Դրա հիմնարար բնույթը բխում է արդար դատաքննության ինստիտուցիոնալ փարրից՝ անկախ, անկողմնակալ, իրավասու և օրենքի հիման վրա ստեղծված դատարան ապահովելու պետության պոզիտիվ պարտականությունից: Իսկ այդ պարտականությունն իր հերթին, ըստ էության, ամրագրված է Հայաստանի Հանրապետության իրավական համակարգում բարձրագույն իրավաբանական ուժ ունեցող այնպիսի նորմատիվ ակտերում, ինչպիսիք են ՀՀ Սահմանադրությունը (19-րդ հոդված), Քաղաքացիական և քաղաքական իրավունքների մասին միջազգային դաշնագիրը (14-րդ հոդված) և «Մարդու իրավունքների և հիմնարար ազատությունների պաշտպանության մասին» եվրոպական կոնվենցիան (6-րդ հոդված): (...)

Պատշաճ ընդդատության հիմնարար իրավական նշանակությունն այն է, որ յուրաքանչյուր կոնկրետ քրեական գործը քննող դատարանի որոշման հստակ կանոնների առկայությունը և դրանց կանխարեսելի գործադրումն անհրաժեշտ պայման են կողմնակի դիրքորդի մոտ այնպիսի համոզմունք ձևավորելու համար, որ փյալ կոնկրետ քրեական գործը քննող դատարանը և դատավորը նախատրամադրվածություն չունեն, և փյալ գործը վարույթ ընդունելիս սուբյեկտիվիզմն ու կամայականությունը բացառված են եղել:

Այսպիսով, քրեական գործերի ընդդատության որոշման հստակ, կամայականությունը բացառող կանոնների առկայությունը և գործադրումը պարտադիր նախապայման են արդարադատության մարչելիության պատշաճ երաշխավորման համար (...)»⁶:

⁵ Տե՛ս Մարդու իրավունքների եվրոպական դատարանի՝ *Walchli v. France* գործով 2007 թվականի հուլիսի 26-ի վճիռը, գանգատ թիվ 35787/03, 29-րդ կետ:

⁶ Տե՛ս Վճռաբեկ դատարանի՝ *Գևորգ Հարությունյանի* գործով 2011 թվականի հուլիսի 13-ի թիվ ԵԿԴ/0211/01/10 որոշումը, կետեր 15-16:

12. ՀՀ քրեական դատավարության օրենսգրքի 260-րդ հոդվածի 1-ին մասի համաձայն՝ «1. Առաջին ատյանի ընդհանուր իրավասության դատարաններին ընդդարյա են առաջին ատյանի կարգով իրականացվող բոլոր վարույթները, բացառությամբ Հայաստանի Հանրապետության քրեական օրենսգրքի հավելված N 1-ով նախատեսված կոռուպցիոն հանցանքների վերաբերյալ վարույթների, որոնք ընդդարյա են հակակոռուպցիոն դատարանին»:

Նույն օրենսգրքի 261-րդ հոդվածի համաձայն՝ «1. Առաջին ատյանի ընդհանուր իրավասության դատարանին ընդդարյա են այն վարույթները, որոնք վերաբերում են այդ դատարանի դատական տարածքում ենթադրաբար կատարված հանցանքներին՝ անկախ քննչական ենթակայության կանոններից:

2. Եթե վարույթը վերաբերում է առաջին ատյանի ընդհանուր իրավասության տարբեր դատարանների դատական տարածքներում ենթադրաբար կատարված երկու կամ ավելի հանցանքներին, ապա մեղադրանքը քննում է այն դատարանը, որի դատական տարածքում ենթադրաբար կատարվել է վերջին հանցանքը:

(...)»:

12.1. ՀՀ քրեական օրենսգրքի 3-րդ հոդվածի 1-ին մասի 16-րդ կետի համաձայն՝ «**հափշտակություն**՝ ուրիշի գույքն ապօրինի, անհատույց հանցավորինը կամ այլ անձինը դարձնելը: Հափշտակությունն ավարտված է համարվում, եթե հանցավորն այդ գույքն ապօրինաբար տնօրինելու կամ օգտագործելու իրական հնարավորություն է ունեցել»:

Նույն հոդվածի 25-րդ կետի համաձայն՝ «**չարունակվող հանցագործություն**՝ մեկ միասնական դիտավորությամբ, միևնույն օբյեկտի դեմ ուղղված նույնական արարքներով հանցանքի կատարում»:

ՀՀ քրեական օրենսգրքի 255-րդ հոդվածի 1-ին մասի համաձայն՝ «1. Խարդախությունը՝ խաբեության կամ վստահությունը չարաշահելու եղանակով հափշտակությունը՝ (...)»:

13. Տարածքային ընդդատությունը սահմանող ՀՀ քրեական դատավարության օրենսգրքի կարգավորումներից հետևում է, որ որպես քրեական գործերի դատական տարածքը որոշելու հիմնական կողմնորոշիչ պայման հանդես է գալիս **հանցանքի կատարման վայրը**:

ՀՀ քրեական օրենսգրքի 255-րդ հոդվածի 1-ին մասով ամրագրված հանցակազմի օբյեկտիվ կողմն արտահայտվում է ուրիշի գույքն ապօրինի, անհատույց հանցավորինը կամ այլ անձինը դարձնելով: Այսինքն, նշված հանցանքի կատարումն ավարտված է համարվում, երբ հանցավորն այդ գույքն ապօրինաբար տնօրինելու կամ օգտագործելու իրական հնարավորություն է ունեցել:

14. Սույն գործի նյութերի ուսումնասիրությունից հետևում է, որ՝

- Հ.Թովմասյանին ՀՀ քրեական օրենսգրքի 255-րդ հոդվածի 3-րդ մասի 3-րդ կետով և 255-րդ հոդվածի 2-րդ մասի 3-րդ կետով մեղսագրվող վերջին հանցագործությունը շարունակվող է, որի՝ քրեական օրենքով չթույլատրված վերջին արարքը կատարվել է 2021 թվականի դեկտեմբերի 30-ին: Մասնավորապես, Հ.Թովմասյանի նկատմամբ, ի թիվս այլնի, հանրային քրեական հետապնդում է հարուցվել այն բանի համար, որ վերջինս Գյումրի քաղաքի բնակիչ Էլիզաբեթ Սարաֆյանին տրամադրել է «Իդրամ» ինտերնետ վճարային համակարգի հաշվեհամար, որից հետո վերջինս նշված հաշվեհամարին փոխանցել է ընդհանուր 30.000 ՀՀ դրամ գումար, որը Հ.Թովմասյանի կողմից խաբեությամբ հափշտակվել է⁷:

- Համաձայն տուժող Է.Սարաֆյանի հարցաքննության արձանագրությանը կից առկա հեռախոսահամարների վերծանումների՝ մեղադրյալի կողմից ենթադրաբար օգտագործված հեռախոսահամարը վերոնշյալ ժամանակահատվածում սպասարկվել է Արարատի մարզի Ջրաշեն համայնքի Կամոյի փողոցի 2-րդ հասցեում⁸:

- Շիրակի մարզի առաջին ատյանի ընդհանուր իրավասության դատարանը 2022 թվականի նոյեմբերի 16-ին որոշում է կայացրել քրեական գործն ըստ ընդդատության Արարատի և Վայոց ձորի մարզերի առաջին ատյանի ընդհանուր իրավասության դատարան փոխանցելու մասին՝ հիմքում դնելով այն, որ քրեական օրենքով չթույլատրված վերջին արարքը կատարվել է Արարատի մարզի Ջրաշեն համայնքի Կամոյի փողոցի 2-րդ հասցեից, որը գտնվում է Արարատի մարզում⁹:

⁷ Տե՛ս սույն որոշման 4-րդ կետը:

⁸ Տե՛ս քրեական գործ, հատոր 24, թերթեր 213-214:

⁹ Տե՛ս սույն որոշման 5-րդ կետը:

- Արարատի և Վայոց ձորի մարզերի առաջին ատյանի ընդհանուր իրավասության դատարանը գտել է, որ որ թիվ ՇԴ/0136/01/22 վարույթն ընդդատյա չէ իրեն, պատճառաբանելով, որ տուժող Է.Սարաֆյանը գումարը փոխանցել է մեղադրյալ Հ.Թովմասյանի կողմից նշված «Իդրամ» ինտերնետ վճարային համակարգի հաշվեհամարին Գյումրի քաղաքում տեղադրված տերմինալի միջոցով¹⁰:

15. Նախորդ կետում մեջբերված փաստական հանգամանքները գնահատելով սույն որոշման 8-13-րդ կետերում վկայակոչված իրավադրույթների և արտահայտված իրավական դիրքորոշումների լույսի ներքո՝ պետք է փաստել, որ ենթադրյալ հանցանքի կատարման ժամանակ մեղադրյալ Հ.Թովմասյանը գտնվել է Արարատի մարզի Զրաշեն համայնքի Կամոյի փողոցի 2-րդ հասցեում: Հետևաբար, վերջինս ստացված գույքը տնօրինելու կամ օգտագործելու իրական հնարավորություն ստացել է գտնվելով Արարատի մարզի տարածքում:

Վերոգրյալի հիման վրա գտնում են, որ Հ.Թովմասյանին մեղսագրված վերոնշյալ ենթադրյալ հանցավոր արարքը կատարվել է Արարատի և Վայոց ձորի մարզերի առաջին ատյանի ընդհանուր իրավասության դատարանի դատական տարածքում:

Այսպիսով, հիմք ընդունելով վերոշարադրյալը՝ գտնում են, որ Արարատի և Վայոց ձորի մարզերի առաջին ատյանի ընդհանուր իրավասության դատարանի հետևությունն այն մասին, որ թիվ ՇԴ/0136/01/22 քրեական վարույթն ընդդատյա է Շիրակի մարզի առաջին ատյանի ընդհանուր իրավասության դատարանին, հիմնավոր չէ:

Ինչ վերաբերում է Արարատի և Վայոց ձորի մարզերի առաջին ատյանի ընդհանուր իրավասության դատարանի կողմից իր որոշման հիմքում դրված այն հանգամանքներին, որ սույն վարույթի մասնավոր մասնակիցների մեծամասնությունը բնակվում են Շիրակի մարզում և նրանցից ոմանք դիմում են ներկայացրել՝ խնդրելով քրեական վարույթը չփոխանցել ըստ ընդդատության¹¹,

¹⁰ Տե՛ս սույն որոշման 6-րդ կետը:

¹¹ Տե՛ս նույն տեղում:

ապա դրանք կարող են քննարկվել բացառապես ՀՀ քրեական դատավարության օրենսգրքի 261-րդ հոդվածի 5-րդ մասի կարգավորման շրջանակներում:

Միաժամանակ, Արարատի և Վայոց ձորի մարզերի առաջին ատյանի ընդհանուր իրավասության դատարանի վկայակոչած՝ ՀՀ քրեական դատավարության օրենսգրքի 261-րդ հոդվածի 3-րդ մասով նախատեսված՝ մինչդատական վարույթն իրականացրած նախաքննության մարմնի նստավայրի գտնվելու փաստարկը տվյալ պարագայում ևս չի կարող որոշիչ լինել, քանի որ այն կարող է կիրառելի լինել միայն ենթադրյալ հանցագործության կատարման հստակ վայրը որոշելու անհնարինության դեպքում:

16. Վերոգրյալի հիման վրա և ղեկավարվելով ՀՀ քրեական դատավարության օրենսգրքի 263-րդ հոդվածի 6-րդ մասով՝

Ո Ր Ո Շ Ե Ց Ի

Թիվ ՇԴ/0136/01/22 քրեական վարույթն ըստ մեղադրանքի՝ Հայկազ Ցոլակի Թովմասյանի՝ ՀՀ քրեական օրենսգրքի 255-րդ հոդվածի 3-րդ մասի 3-րդ կետով և 255-րդ հոդվածի 2-րդ մասի 3-րդ կետով, ընդդատյա է Արարատի և Վայոց ձորի մարզերի առաջին ատյանի ընդհանուր իրավասության դատարանին:

ՀԱՄԼԵՏ ԱՍԱՏՐՅԱՆ